

Андижон вилояти ҳокимлиги расмий портали

БИРИНЧИ ЧОРАҚДА АНДИЖОН ТУМАНИДАГИ 77 ТА МАҲАЛЛАНИНГ 53 ТАСИДА ЖИНОЯТ СОДИР ЭТИЛМАДИ



Андижонтуманида жорий йилнинг биринчи чораги давомида олиб борилган профилактик ишлар натижасида жиноятлар сони ўтган йилгига нисбатан 55 тадан 33 тага, яъни 40 фоизга камайган. Шунингдек, 77 маҳалланинг 53 тасида умуман жиноятлар содир этилмаган. Бу ҳақда туман ички ишлар бўлими хабар бермоқда.

Бўлим бошлиғи, майор Жасурбек Худойбердиевнинг маълум қилишича, Президентимизнинг Ички ишлар органлари фаолиятига доир Фармон ва қарорлари ҳамда қабул қилинаётган қатор қонун хужжатлари ижросини таъминлаш, жиноят ва хуқуқбузарликларни олдини олиш борасида ҳокимият, хуқуқ-тартибот ҳамда кенг жамоатчилик билан ҳамкорликда бир қатор чора тадбирлар амалга оширилмоқда.



Мисол учун худудда жиноят ва хуқуқбузарликлар содир этилишини барвақт олдини олиш ва криминоген вазият барқарорлигини таъминлаш мақсадида ички ишлар бўлими ходимлари,

профилактика инспектори ёрдамчилари ҳамда жамоатчилик вакилларидан иборат 12 та тунги

гурухлар ташкил этиган бўлиб, уларнинг ҳар бирига жамоатчилик асосида 12 та “Дамас”

автомашиналари жалб этилган.

Тунги хизмат ҳар куни соат 19.00дан бошланиб, тонг отгунига қадар давом этмоқда. Ушбу вақтда жалб этилган гурухлар бўлимда хизмат олди йўриқномасидан ўтиб, туманинг криминоген вазиятидан келиб чиқсан холда худудларга бўлинниб хизмат ўташлари бўйича тегишли қўрсатма ва

топшириқларни олишмоқда.

Хизмат давомида гурух аъзолари хизмат жойларига бориб, ўзларига биринтирилган ҳудудда кўнгилочар масканлар ва бошқа обьектларни беркитиш вақтларига амал қилишлари бўйича тушунтириш ишларини олиб бормоқдалар. Шунингдек, ҳудудларда бемаксад юрган ва ўзини шубҳали тутган шахсларни яқин ўртадаги милиция таянч пунктлари ва ички ишлар бўлинмаларига таклиф қилган холда уларнинг шахсига ойдинлик киритилиб, профилактик сухбатлар ўтказилиб келинмоқда.

Бундан ташкири, гурухлар томонидан туман ҳудудидаги 77 та Жамоатчилик назорати масканларининг фаолиятини тўлиқ йўлга кўйилиши таъминланиб, барча таълим муассасалар ҳамда бошқа обьектларнинг тунги вақтлардаги масъул шахслари хушёrlиги холатлари ўрганилиб, улар билан профилактик огохлантириш ишлари олиб борилмоқда.